

老里八早

春游就像放鸽子

文 / 蒋焕蕾

记忆当中读小学个辰光基本浪每年个春游是到西郊公园(现在个上海动物园)去。尽管是一趟趟炒冷饭,来来去去个顺序差勿多,同学们还是老扎劲,天天盼日日想:选个日脚快眼到!望盼天勿要落雨,望自家勿要生病。假使真个发寒热了,也要想办法勿拨大人告老师晓得。

拉。交关同学拿红领巾解下来挥,一边朝孔雀叫:“开呀!开呀!”孔雀慢吞吞踱来踱去,就是勿睬你,弄弄么头还别过去,身体也别过去,尾巴浪长长个一蓬毛对牢你,拖来拖去扫地皮。有几个女同学挖出衣裳袋袋里红红绿绿个花绢头再加上红领巾,等孔雀转过快来眼朝伊用力个甩【hue】,孔雀朝大家看看,再走两步,漂亮个羽毛总算竖起来晃法晃法一眼一眼开开了,大家个手也酸煞了。好白相个是如果阿里个同学长得黑黑胖胖,是是随便哪能也勿去看河马个,二只手抱牢仔树干,掰也掰勿开。

咪一二口水,勿哪个只好偷偷叫瞄瞄,想象自家啥辰光也弄到一只:哼!有啥希奇!有眼同学屋里向有铜钿,直接拿了钞票到公园餐厅排队买盖浇饭吃,老卖样个。出去春游一般是班主任带队,副课老师勿一定去。有辰光音乐老师一道去了,就会得出花头,中饭以后伊肩胛浪背个手风琴,手里向拿铜锣“噹,噹”个敲,叫大家坐辣草坪浪击鼓传花或者各个班唱只歌咯啥,同学们大多数是魂灵头勿辣海,东张张西望望,一歇歇小便,一歇歇嘴巴干,只想快眼结束,好去看还玩没看个动物。乃末班主任好笑,其他老师也好笑,弄弄半吊子就收场了,“噫——”大家跳起来就去看好个目标跑!

只有稀稀拉拉个走来几个同学,乃末老师用喇叭朝东朝西哇拉哇拉穷叫,弄得勿好还要到公园广播站叫某某班个某某同学快到出口处集中。到了车子浪,大家还唧唧喳喳个讲勿停:啥人出了啥洋相;啥人要紧喂猴子点心虱脱交关,自家肚皮玩没吃饱老是讨东西吃;啥人小家败气好物事因法因法一个人偷吃;啥人赶了看大象表演穷奔!路浪攒脱一跤!裤子攒了一只洞,伊拉姆妈要骂了……还有几个同学一边望野眼一边分吃玩没吃光个零食。要是身体勿大好个同学,车子开一路伊吐一路,老师急得一路浪左看右看寻公用电话,好通知家长来接接伊。

大阳伞下牙医生



图 / 范生福、范思田 文 / 沈叔

“牙痛不是病,痛死无人问”。人人都有牙,有牙就有病,特别是蛀牙,牙蛀了就痛,不拔去痛死人。拔牙要找医生,医院里有牙科,先要挂号,医生说,牙痛时不能拔,先涂止痛药,回去等牙不痛了再来拔,牙不痛还有谁来拔?私人牙医可以拔痛牙,可是拔牙费很贵,穷人出不起,只得捧了肿痛的脸到城隍庙去找大阳伞下的牙医。他不管你痛不痛,有无危险,不上麻药,拿起铁钳,伸进你嘴里,要你大咳一声就用力把你的牙拔下,你哇哇叫,满嘴是血,不要怕,他从瓶里倒出“三七”,塞进你嘴里“止血”,不管你是死是活,催你付钱,让你走路。谁叫你找我“大阳伞”!

沪语编讲

刮骨疗毒

文 / 吴兴人

习近平总书记辣前段辰光中纪委三次全会发表个重要讲话中,提到要有“刮骨疗毒”个勇气,坚决拿反腐败斗争进行到底。迭只“刮骨疗毒”故事,出辣《三国演义》第75回。手提青龙偃月刀个关公用水淹七军个办法,捉了于禁,杀了庞德,大胜曹操,名气响得勿得了。辣关公告庞德交战辰光,庞德施放了一支冷箭,射中关公左臂。不过,迭支箭射得勿深,用金疮药敷了后,伤老快好了。接下来,关公包围了樊城,对城头个曹军大声叫喊:“那迭帮胆小鬼,早点开城门出来投降!”关公一连打了几个胜仗,得意白满个老毛病发作。人一得意,就要闯大祸。伊辣喊话时,骑辣马浪,身浪披护心背心,斜穿一件绿色战袍,一只右臂膀露辣外头。曹操有名大将叫曹仁,伊辣城头看见关公副样子,立马招来五百名弓弩手,喊声放箭。关公晓得勿对,赶忙后退,但已来不及,右臂中了一箭,一个斤斗,翻身落马。关公被救回营房,拔出箭支箭。曹仁交关辣手,辣箭头上涂了一种名叫乌头个毒药。关公中箭后,右臂马上肿了起来。手下个人勿敢马虎,立即从江东请来名医华佗。迭个华佗本事很大,一般是请不动个。伊听得关公受伤,立马赶来。关公怕影响军心,装作一副玩个事个样子,还跟马良着棋。华佗一看,连声说:“勿得了,勿得了,乌头极毒,毒已入骨;再勿早治,迭条手臂要废脱了。”

药,缝上伤口。华佗问关公:“勿晓得依阿吃得消?”关公听了,手一挥讲:“迭个蛮容易,用勿着啥环柱,更用勿着被头蒙头,依动刀好辣。”关公摆一桌酒席请华佗吃老酒。酒席摆好,关公伸出右臂,对华佗说:“上哦!”华佗让一个小军官端只盆子,放辣下面接血,对关公说:“我要动手啦,依勿要吓噢!”现在看来,做迭种大手术,是要上麻药个,何况华医生又发明过“麻沸散”,麻醉效果非常好,但作家罗贯中为了突出关公个神勇,摆了一记噱头,玩没让华佗用“麻沸散”。关公伸出受伤个右臂说:“先生尽管动刀。”仍旧跟马良着棋。华佗割开伊个皮肉,发现骨头已经变青,便拿出一把银【sang】程亮个刀子,刮掉骨头上个药毒,华佗尽管用力很轻,还是悉悉个发出刮骨个声音。帐上帐下个官兵个个吓得面色发白。关公毫勿在乎,一边饮酒,一边吃肉,一面下棋,说说笑笑,神色勿变,面孔浪玩没一点痛苦表情。一歇歇,盆里个血已盛满了。华佗刮干净箭毒,敷上伤药,缝合创口。关公大笑,站起来对大家说:“现在,我臂膀舒展自如,勿痛了!华佗先生,依真是神医啊!”华佗说:“我当了一辈子医生,从来还玩没看见过像迭种勿怕痛个人,将军真是天神哪!”关公拿出一百两黄金送拔华佗,华佗医术医德交关好,勿收红包。伊讲,我听说依为人最讲义气,我哪能好收红包?留了一帖药,伊就走了。伊特别关照勿要动火,一百天后,伤口可以长好。习总书记引用迭个故事,意思是学习关公副种“刮骨疗毒”精神,割开皮肉,勿怕出血,勿怕剧痛,拿躯体里一个个腐败毒瘤割掉。

远开一点

摆摊头

文 / 彭瑞高

有个朋友,前些年生活有点困难,就来跟我商量,说想摆个摊头。我问,你摆什么摊头呢?他讲,摆水果摊。我讲,为什么要摆水果摊呢?他讲,水果进货方便,批发站拿几箱,回来散卖,不费事。我说,不能光考虑进货方便,还要考虑出货快不快、赚不赚钞票,这是主要的。他想一想,说,这个我就保不准了,你说呢?我见他苦着脸,就问,你准备把摊头摆在什么地方?他讲,摆在小区门口。我问,附近有水果店吗?他讲,没有,小区是新的,居民刚刚从市区动迁过来,什么店都没有。我就讲,你是第一家,独家,这个好,水果大家都要吃的,生意估计不会差。他歇一歇,又问,我摆摊头,熟人看见了,会笑话吗?

他说着,面孔有些尴尬。我晓得他来找我的意思了,就劝他说,这个不搭界,现在只要自食其力,都是光荣的;你不靠小、不啃老,自己出力赚钞票,啥人敢来笑话!他又说,同学朋友,生意都做大了,只有我,摆个小摊头,有点坍台了。我说,你怎么会有这种想法啊!坍台不坍台,不是看生意大小,而是看是不是走正道;摆摊头过日子,总比有些人游手好闲吃喝嫖赌好吧?总比有些人偷鸡摸狗吸毒贩毒好吧?360行,只要靠劳动过日脚,都是不坍台的。他想了想,说,这倒是的。这摊头后来就摆了起来。今年我经过那里,见他摊头不摆了,租个门面,开起了水果店,生意还不错。

闲话闲画

呆徒、呆笃笃、呆剥落丑

文图 / 阿仁

小马路浪车子乱停乱放,路当中变成了羊肠小道。一部装满货色个黄鱼车与一部电动车碰头了,大家过勿去。踏黄鱼车个是一个成色相当新个新上海人,年纪勿大。因为货色多、车子重,伊就一动勿动。开电动车个是一位上海老阿姨。急了,老阿姨喊得老响个:“喂,依朝旁边笼头别一别、借一借,我过去了依也好过来哉!”踏黄鱼车个因为听勿懂一连串个上海闲话,有点呆顿顿。老阿姨蛮活络个,退了几步就从上街沿开过去了。回头还对黄鱼车白白眼睛:“今朝触

霉头,大清老早就碰到一只呆徒!”踏黄鱼车个来气了,拉牢我问:“大叔,那个女人骂我什么了?再要撞上她非得给她点颜色瞧瞧!”我打圆场:“她骂你,算了。”“她好像说我是‘眼大’,啥叫‘眼大’?”我顺口推舟:“她说‘眼大’就是大家眼睛睁大点。这不,彼此就方便通过了……”捣了一记浆糊,免得日后生事。黄鱼车消了气,也就过了。

到事体反应太慢,做起事体笨手笨脚。“小外孙一脚踏空了,依也勿晓得窜上去接一把,依只呆徒!”是讲人家动作迟钝。“拿绳子辣竹竿浪多绕个几圈再打只结,勿是就吊得杀杀牢啦!呆徒!”是是指别人勿多动脑筋。象勿出好个法子。要形容起呆徒,上海闲话里有一连串好讲:呆顿顿、呆笃笃、呆勃勃。要一言以蔽之,葛就是呆剥落丑。交交关关上海闲话平常是常常挂辣嘴边浪个。但要依能够辣纸面浪写出来,葛就勿是一桩便当个事体了。假使能够千辛万苦个写出来了,要别个上海人能够一眼看得懂,弄得清爽,那就更是吃力个生活了。呆剥落



丑就是其中之一,好讲,难写。省力省心个办法有,葛就是去买一本《上海话大词典》来翻翻查查。是讲个上海闲话水平就勿再是口头浪个,连笔下也可以去做上海闲话个托福老师哉。新个上海人要听得懂上海闲话,讲得来上海闲话。是讲辣上海滩浪来打工、来生活、来过日脚就顺当多了。忽然,拨上海人个上海闲话蒙了头就太尴尬了。电动车欺侮黄鱼车个故事也就勿会常常发生了。